



**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

xxix La vie de sainte Marthe vierge, hostesse de Iesus-Christ.

---

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)



LA VIE DE SAINT INNOCENT  
Pape, premier du nom.29.  
IUIL-  
LET.

AINCT Innocent Pape, premier du nom succeda à Anastase le 17. de may l'an 402. Il estoit natif d'Albe, pres de Rome. Son pere auoit aussi nom Innocet. Les persecutions des tyrans estoient cefecs, & par la pieté de l'Empereur Theodose, qui estoit desja mort, & de ses deux enfans, Arcade qui comandoit en Orient, & Honoré qui residoit en Italie, l'Eglise estoit en paix & en repos. Neatmoins Innocent n'eust pas faute de contentions & trauaux, qui luy donnerent bien du soucy: car du temps de son Pōtificat. Alaric Roy des Gots assiegea Rome, la prit de force, & la faccagea, exerçans toutes sortes de cruautéz cōtre les Romains, encore qu'il respectast les Eglises, & specialement celle du glorieux Prince des Apostres saint Pierre. Ceste destruction de Rome fut le commencement de la decadence & ruine de l'Empire Romain. Dieu permit que quand les gots prirent Rome, le saint Pape estoit allé à rauène, pour parler de quelque bon accord avec l'Empereur Honoré & Alaric, desireux d'apporter quelque remede à ceste calamité qu'il preuoyoit: car comme dit Paul Orose, Dieu tira Innocent de Rome, comme Loth de Sodome. de peur qu'il ne vid la destruction de son peuple. Ce saint Pape eut aussi vne affaire avec l'Empereur Arcade, & l'Imperatrice Eudoxe sa femme, à cause qu'ils auoient banny de Constantinople le tres-saint, & tres-eloquent Patriarche Iean Chrysostome, sous pretexte de quelques faulces calomnieuses accusations, auquel exil il estoit decedé, en quoy Dieu auoit esté grandement offensé, & toute l'Eglise interreslée. Pour ce vilain acte, Innocent excommunia Arcade & Eudoxe, & condamna ceux qui auoient rendu ceste iniuste sentence, prenant ce bien-heureux Prelat en sa protection, auquel il escriuit des lettres de consolation, & fit de grands honneurs à sa memoire. Dauantage Innocent se monstra fort ialoux de nostre sainte foy, & grand persecuteur des heretiques, qui s'esteuerent de son temps, comme fut Pelage, Celeste, & Julian cōtre lesquels saint Hierosme & saint Augustin escriuirent doctement: car ils viuoient en ce temps là, & estoient fors intimes amis d'Innocent. Il ordonna, ou, pour mieux dire, il rendit la cause pourquoy on doit ieusner le Samedy, & donner la paix au peuple en la messe, apres la consecration, auant que le Prestre communie. Il declara quel Euesque deuoit adminiftrer le Sacrement de la Confirmation, & le Prestre de l'Extreme-Onction. A la priere d'vne matrone Romaine nommée Vestine, il fit bastir vne Eglise en l'honneur des saints Martyrs, Geruais & Prothais, laquelle il appella du titre de Vestine, parce qu'elle y donna tout son bien: auourd'huy c'est vn titre de Cardinal nomé de saint Vital. Il celebra quatre fois les Ordres au mois

de Decembre, & fit 54. Euesques, trente Prestres, & treize Diacres. Il gouerna l'Eglise de Dieu 35. ans, vn mois & dix iours, selon le Cardinal Baronius, encore qu'il y en a qui luy donnent dauantage. Ce saint Pape a escrit plusieurs belles Epistres, entr'autres, vne au second Concile de Toledé, en laquelle il reprend certains abus qui pour lors auoient cours en Espagne, en la consecration des Prestres, & d'autres aux Conciles de Carthage & Mileuitain, qui furent celebrez de son temps, esquelles on void son zele & vigilance au gouuernement de l'Eglise, Apostolique & Romaine, saint Hierosme lotie fort la sainteté de ce Pape, & escrit à Demetriade, qu'elle embrasse la foy, & reuere la doctrine qu'enseignoit Innocent. D'autres Ss. Docteurs disent le mesme avec beaucoup de recommandation de son integrité, & bonté.

Il passa de ce monde à la vie eternelle le iour que l'Eglise celebre sa feste, avec celle des Ss. martyrs, Nazare, Celse, & Victor Pape, le 28. iour de Iuiller, l'an de nostre Seigneur 417.

*A Rome trespassa saint Victor Pape & martyr, qui fut successer de saint Eleuthere, & trouua beaucoup pour la sainte Eglise. Item S. Innocent Pape, qui succeda à S. Anastase, & ayant defendu l'Eglise contre les heresies qui s'esteuerent de tous costez, mourut en sainte paix. A Milan se fait la feste des Ss. Nazaire & Celse enfans, lesquels durant la sanglante persecution de Nerou furent mis, & cruellement traictez, en prison par vn nommé Avolin, qui depuis leur fit trancher la teste. A Angori ville de Galatie deceda S. Eustathie martyr, lequel ayant esté en plusieurs & diuerses façons tourmenté, & retiré dans la mer, en fut retiré par vn Ange, & en fin appelé par tout Colombé qui vint du Ciel, pour le semondre à la ioye eternelle. A Mela ville de Grece deceda S. Acacie martyr, lequel saint Empercur Licine apres auoir enduré diuers tourmens, fut tiré d'vne fournaise, de laquelle il sortit sain, & puis en la teste tranchée. En basse Bretagne mourut S. Sampson Euesque & Confesseur. A Lyon S. Pelerin Prestre & Confesseur, la sainteté duquel est verifiée par plusieurs miracles.*

LA VIE DE SAINTE MARTHE  
Vierge, hostesse de Iesus-Christ.

AINCTE marthe estoit Iuisie de nation, fille de nobles & riches parés: son pere, selō saint Antonin, s'appelloit Syre, & sa mere Eucharie. L'Euangeliste saint Luc raconte comme Iesus-Christ fut receu de sainte marthe, qui estoit la seur de Marie Magdelaine & du Lazare, & du soin qu'elle auoit de le bien traitter: car quoy que ce fust vne Dame de qualité, qui auoit plusieurs seruiteurs en sa maison, neantmoins elle ne se fioit pas en eux, & vouloit elle mesme mettre la main à preparer le diner de nostre Seigneur, & craignant de ne faire pas assez bien, elle vouloit que sa seur Magdelaine, qui estoit aux pieds de Iesus-Christ à escouter ses beaux discours, & à se repaistre de sa diuine doctrine se leuast pour la venir ayder: car elle n'eult pas eu assez de tout le monde pour la secourir à luy



faire bonne chere. Elle se plaignit donc à N. S. & le supplia doucement de commâder à sa sœur qu'elle luy aidast: nostre Seigneur I. C. encore qu'il ne peut blâmer ceste grande affection dôt Marthe le seruoit, loüa la tranquille quietude dont Magdelaine postposant tout autre soucy, vacquoit au plus important, qui est d'ouyr, & de iouyr de Dieu. On veid aussi la familiarité que portoit nostre Seigneur à ces deux saintes sœurs, & la faueur qu'il leur faisoit lors que leur frere Lazare estoit en danger de maladie, elles luy escriroient, Seign. celuy que vous aymez est malade, sans en dire dauantage, parce qu'elles scauoient qu'il ne falloit dire qu'un mor pour le faire venir, & appeller leur frere en santé, cōme il fit, encore que pour manifester dauantage sa gloire il permit que le Lazare mourust, & demeurast quatre iours au sepulchre, tant qu'il pouoit desia, pour le resusciter, pleurant sur luy, à cause de la compassion qu'il auoit de ses deux sœurs, desquelles marthe fut la premiere qui sortit au deuant de luy hors du chasteau pour le recevoir, & apres fit venir sa sœur marie, se montrant en tout, & par tout, deuotes, humbles, & bien-aymées disciples de nostre Seigneur & redempteur I. C. lequel (comme celuy qui paye si bien les seruices qu'on luy fait, & tient pour receus les mesmes dons desquels il nous preuiet & enrichit) réplit ceste maison de benediction, doüant de grâces singulieres les ames qui le receuoient, & logeoient avec tant de bonne volonté & deuotion, lors qu'il estoit si persecuté des Iuifs, qui tenoient pour maudits, & excommuniez, tous ceux qui le frequetoient. Cela fut cause qu'apres l'Ascension de nostre Seign. Iesus-Christ aux Cieux, ces mesmes Iuifs persecutans les fideles & membres de Iesus-Christ, mirent les mains sur marthe, & magdelaine, & apres auoir confisqué tous leurs biens, les ietterent avec leur frere Lazare, maximin, & toute leur famille dans vn vaisseau sans voile, ny rames, pour les faire perir en mer: le vaisseau par la conduite de Dieu, vint aborder à marseille, laquelle ville ayant veu ce miracle, & ouy la predication de l'Euangile, se conuertit à la foy de Iesus-Christ, & la ville d'Aix incontinent apres. Lazare demeura Euesque de Marseille, & Maximin l'un des 72. Disciples de Iesus-Christ, fut Euesque d'Aix.

La sainte Magdelaine se retira au rude desert de la baume, pour s'adonner entierement à l'oraison & meditation: sainte marthe avec vne sienne seruante nommée Marcelle fit bastir vn Monastere au milieu des champs, où avec plusieurs autres filles qui la suiuirent, elle se retira & recueillit; pour seruir à Dieu, leuant (apres la mere de Dieu) la banniere de la virginité, dont elle fit vœu, viuant en la congregation des filles vouées à Dieu avec tant de rigueur & austerité de vie, que saint Antonin Archeuesque de Florence escrit, qu'elle ne mangeoit ny chair, ny œufs, ny fromage, ne beuuoit que de l'eau, ne mangeoit qu'une fois le iour, & estoit si adonnée à l'oraison, que cent fois le iour, & autant

la nuit, elles'agenouilloit pour adorer & seruir Dieu. Ce mesme Autheur rapporte qu'elle tua par ses prieres vn horrible & espouuëtable dragon, qui gastoit tout le pays, faisant le signe de la Croix sur luy, & l'espergeant d'eau benilte, & qu'estant proche de l'heure en laquelle N. S. la vouloit recompenser, il luy reuela vn an auparauant la fin de son heureuse vie, & voulut pour accroistre sa gloire, qu'elle eut les fièvres tout le long de ce temps-là. Huiet iours auant son deceds elle ouyt vne tres-douce musique celeste, & les saintes Anges qui emportoient en chantant l'ame de sa chere sœur sainte marie Magdelaine, laquelle luy apparut à l'instât de sō trespas: & nostre Seigneur I. C. la visita, & luy dit, Viens ma bien-aymée hostesse: comme tu m'as receu en ton chasteau terrestre, ie te veux aussi recevoir en mon Palais celeste. Elle se fit mettre sur la table parsemée de cendres, en vn lieu d'ou elle pouoit voir le Ciel, & ayant vne Croix deuant les yeux, elle se fit lire la Passiō escrite par S. Luc, où oyant prononcer ces paroles, *En vos mains Seigneur, ie recommande mon ame,* elle rendit la sienne à Dieu. S. Antonin dit plus, que saint Frontin Euesque de Perigueux (où l'Apostre S. Pierre l'auoit enuoyé) disant la messe vn ange du Ciel luy apparut, & commanda d'aller enterrer sainte Marthe, & le porta à Tarascon, où elle mourut, & se trouua à son enterrement faisant l'office en la presence de I. C. qui ayda à l'enterrer. Car c'est ainsi que Dieu honore ceux qui le reuerēt, & par semblables faueurs recōpense les seruices qui luy sont faits, moyennant sa grace. Pierre Galois dict, que Marcelle sa seruante, escriuit la vie de sa maistresse sainte marthe, en Hebrieu: & que Siringue la traduisit en Latin, encore que le Cardinal Baronius estime que ceste vie soit escrite par vn autheur moderne, & merite d'estre bien examinée. L'Eglise celebre sa feste le iour de sa mort, qui fut le 29. iour de Iuillet, l'an 84. sous l'Empire de Domitian. Nostre Seigneur a fait plusieurs miracles par ceste bien-heureuse sainte, l'un desquels fut, de rendre la santé à Clodotee, Roy de France, qui pria au sepulchre de sainte marthe estant fort malade.

LA VIE DES SAINCTS SIMPLICIAN,  
Faustin, Beatrix freres & Martyrs.



Eglise le mesme iour de sainte marthe fait commemoration des saintes martyrs, Simplician, Faustin, & Beatrix leur sœur, lesquels moururent à Rome pour la foy de Iesus-Christ, en la persecutiō des Empereurs Diocletian, & maximian, Simplician & Faustin furent pris, & cōme on vid qu'ils estoient fort cōstans en la foy, vn Lieutenant de l'Empereur les fit tourmenter, & apres decapiter, & ietter leurs corps dans le Tibre. Leur sainte sœur Beatrix les recueillit, & ensueult, & depuis se retira en la maison d'une sainte veufue, nommée Lucine, qui passoit les iours & la pluspart des